
"ЙИЛ АЁЛИ-2023" танловининг шаҳар босқичи ўтказилди

Марғилон шаҳридаги «Ижод мактаби»да "Йил аёли" миллий танловининг шаҳар босқичи ўтказилди. Мамлакатимизнинг ижтимоий-иқтисодий ривожланишига ўзларини муносиб ҳиссасини қўшиб келаётган, юксак маънавиятли, оилада ва фарзанд тарбиясида ибрат бўлиши билан бирга ўзлари фаолият кўрсатаётган ташкилотлар нуфузини оширишда фаол иштирок этаётган турли соҳа эгалари бўлган хотин-қизларни қўллаб қувватлаш мақсадида ташкил этилган танловда шаҳаримиздаги корхона, ташкилот, муассасаларида меҳнат қилаётган ҳамда уй бекалари бўлган хотин-қизлар иштирок этишди.

Танловда иштирокчиларнинг маҳоратларини вилоят ҳокими маслаҳатчиси Соҳибжамол Тонгатарова, вилоят ҳокимлиги Девонхона бўлими мудир Маърифат Ахунжанова бошчилигидаги ҳакамлар ҳайъати баҳолаб боришди. Танлов якунида ҳакамлар ҳайъати ҳулосасига кўра низомда кўрсатилган барча шартларни намунали бажарган энг фаол ва энг илғор аёлларнинг номлари эътироф этилиб, муносиб тақдирланди.

Унга кўра, «Йилнинг энг ватанпарвар аёли» номинацияси бўйича Гулбахор Умарова, «Йилнинг энг фаол олима аёли» номинацияси бўйича Наргиза Муллажонова, «Йилнинг энг яхши ижодкор аёли» номинацияси бўйича Сайёрахон Абдуразақова, «Ўз касбининг устаси бўлган йил аёли» номинацияси бўйича Маъсумахон Атахўжаева, «Йилнинг энг кучли маънавий-маърифий тарғиботчиси» номинацияси бўйича Гулнозахон Зохидова, «Йилнинг энг жонкуяр устози» номинацияси бўйича Нигора Маннопова, «Йилнинг энг янги ғоялар ташаббускори» номинацияси бўйича Дилдорахон Давлатёрова, «Энг илғор тадбиркор аёл» номинацияси бўйича Машхура Эгамбердиевалар ғолибликни қўлга киритишди.

Ғолибларга шаҳар ҳокимлигининг фахрий ёрлиқ ҳамда қимматбаҳо совғалари топширилди.

2023-10-11 18:38:50